

Edizioni

- letto 677 volte

Fratta

I.

Deïosta·ls breus iorns e·ls loncs sers,
qan la blanc?aura brunezis,
vuoill que blanc e bruoill mos sabers
d?un nou ioi qe·m fruich? e·m floris;
car del doutz fuoill vei clarzir los garrics,
per qe retrai entre·ls enois e·ls freis
lo rossignols e·l tortz e·l gais e·l pics.

II.

Contr?aisso m?agrada·l parers
d?amor loindan? e devezis
car pauc val levars ni iazers
a lui ses lieis cui es aclis;
c?amors vol gaug e guerpis los enics,
e qui s?esgau a l?ora q?es destreis,
be·m par q?a dreit li vol esser amics.

III.

Q?ieu vei e crei e sai q?es vers
c?amors engrais? e magrezis
l?un ab trichar, l?autr? ab plazers
e l?un ab plor e l?autr? ab ris;
lo cals qe·s vol n?es manens o mendics,
per qu?ieu n?am mais so qu?en ai q?esser reis
assatz non ? re d?Escotz ni de Galics.

IV.

Ges ieu non sai los capteners
mas soffre, c?una m?a conquis
don reuiu iois e nais valers,
tals que denan li·m trassaillis;
car no m?enqier de dir, m?en ven destrics,
tan tem qe·l mieils lais e prenda·l sordeis;
on plus n?ai cor, mi pens: car non t?en gics?

V.

A! car si fos dels mieus volers
lo sieus rics coratges devis,
desque ma dompna-m tol poders
de so de q?ieu plus l?ai requis!
Mas no-ll sai dir lausengas ni prezics,
mas meillor cor l?ai trop que non pareis;
s?ella no-l sap, morrai m?en totz antics.

VI.

Tant m?es doutz e fis sos vezers
pel ioi qe-m n?es al cor assis
e sobre tot lo bons espers
q?ieu n?ai, per que m?en enriquis;
c?anc tant non fui mais coartz ni mendics,
ab q?ieu la vis alques, aqui mezeis
no-m saubes far de gran paubretat rics.

VII.

So es gaugz e iois e plazers
que a moutas gens abellis
e sos pretz mont? a grans poders
e sos iois sobreseignoris,
q?enseignamens e beutatz l?es abrics:
dompneis d?amor, q?en lieis s?espan e creis,
plens de dousor, vertz e blancs, cum es nics;

VIII.

per q?ieu mi pens: ia non t?en desrazics,
quan mi conquis en loc on ilh me seis
plus que se-m des Franssa lo reis Loics.

IX.

En aqest vers sapcha vilans, Audrics,
que d?Alvernge manda c?om ses dompneis
no val ren plus que bels malvatz espics.

- letto 489 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizioni-138>